

47

I

QUÆSTIO MEDICA,

Cardinalitiis disputationibus manè discutienda in Scholis Medicorum, die Jovis vigesimâ Martii 1710.

M. AMANDO DOUTE', Doctore Medico,
Præside.

An Lac Convalescentibus?

I.

PLEN A utendi libertate alimenti injuriæ maximè obnoxius homo, unus præ cæteris viventibus gulæ peccatis vitam causarius trahit: factò pro arbitrato eorum periculo, quæ Naturæ prima, normam deinceps ipse sibi posuit scripsitque salubriùs vivendi. Hinc Diætæ lex integrè sanis aut causariis non una, nec par ægris, vel è morbo naufragis ac Convalescentibus, quia, nec una, neque ulli usquam adeò sincera ac solida sanitas obtigit, nec morbus unus, iidemve hinc & indè cuique patent carceres in Orcum vel Lucem; quanquàm ut vitæ, ità victûs communia & prima è sanguine, in sanguine, à sanguine Elementa, quibus stant simul solido nexu artis & Naturæ labor, tutela sanitatis, morbi semina, maleficia, vindiciæ. Hinc omnibus pro voto & scopo esse debuit quærenda in alimento prior potiorque Medicina, nemini licet tam æqua ac beata, ut nunquam læserit, vel in eâ peccarit Artifex, errore semper de cætero Convalescentibus quàm sanis graviore, præsentiore.

II.

MULTO quippe major certiorque noxa hos illosque manet ex inconsiderato alimenti usu, quàm syderum positu inimiciore, Ambientisve inquinamentis, cibo etiam quàm potu: His tamen quàm illis ut minora, sic rariora, breviora, innocentiora ventris peccata; severiori idcirco diæteticæ artis legi in iis plerumque dissimulanda, illis permittenda nunquam; sed tùm quoque quùm lævâ crudâque consuetudinis tyrannide Naturæ jura occupant opprimuntque, si quâ superest ratione coercenda, castiganda, quæ Convalescentum causariorumque famelica natio, longâ macie ac tabitudine efferta, dudùmque feriat ventris acta intemperiiis ultrò

volens ac sciens sæpiùs admittit, ad Chanicem justumque demensum, malè sanam, pejus securam ingluviem nescia circumscribere. Sive enim quidquid erat virium primique roboris acuti morbi vis ultima cùs paucos diès decoxerit, aut misera diuturnæ valetudinis tandem affligerit patientia, dum alii præciosi roborantibus delufos enecant, incenduntque jejuniis horis corpusculi annonam, hanc tu ipse contrà naturæ propitiùs jubeas convalescere, modò ità laxes, ut simul comprimas, scitè doctus inter eas rerum ægri angustias, non mole aut substantiâ, sed facultate alimentum æstimandum, operi non oneri mox futurum.

III.

QUALE porrò illud esse oporteat, si requiris? Quod omnibus suo merito acceptam alibilis succi gratiam sic repræsentet, ut nihil indè naturæ, quamvis ægriùs tùm coquenti, sit factura negotii, aut morarum sua singulis partibus Diaria diribenti; ab his modò, quod salubre audiat; obtinuit alimentum; tale quidem ubi nec copiâ, quod exhaustum est, superat, neque redimendâ aliàs inopiâ fraudat ac depauperat genium partium, non glutino sequacis succi faciliè conrescens, nil operosi sustineat, de facili eliquetur in chylum tenerâ mollitudine friabilis substantiæ, vacet excrementis: hinc maturioris coctionis integritas, ἀναδύσας commoditas expeditior, sincerior purgatorque succus, nutriticus felicior; indè laudatissimi sanguinis salit vena, qui temperie ut consistentiâ mediis, sanis, ægris, sortis ambiguae causariis accommodatissimus. Quæ dos bonitatis integra & prima in lacte desideratur. Hoc lentore pingui, terrenoque crassamento, quibus maximè abundat, ægminum istud & præcipuum alibilis substantiæ vitium liquidò probat non posuisse: etiam propiùs admotum vitæ laribus, medioque hujus foco conditum, viden? Ut benè sanis Puerperis, Nutricibus distenta lacte ubera in Tophos protinùs durantur, fidelique corruptionis symbolo abeunt in suppuratum nullo privilegio loci, nullâ proprii caloris tutelâ. Ecce de Lactante calens, lactentis suctu calido ventre receptum, ore statim redditum lac caseus prodit. Spongiosa illa lactis densitas maleficæ conscia corruptelæ: sit ecce ἀυτοπικτὸς ille spontaneo feri divorcio simul ac in matrâ lac coacuerit vel maturiore coagulo venenarit artificis gulæ impatientia; omni proindè cujuscumque coctionis errori aptissima qualiscumque sit γαλακτοποιφία, etsi Pytoclis exemplo marasmo tabescentibus interdùm permittenda ad ἀναποφὴν lactæ plurimâ aquâ diluto, quæ solvat præsens coaguli venenum, nec inno-

3

cens illâ Arthritidi & Rheumatismo, ut ut savos demulcens dolores, quot defuncti scyllâ in Charybdim naufragi : ingreditur blandè suavissimus hic liquor, at in novissimo mordebit integro nomine vitiositatis.

IV.

IN lactis natales inquirere, res otioso Naturæ contemplatore digna, detexisse eximia laus. Negotiosum verò Medicum attinet nosse quibus opportunum sit alimentum, benè sanus reputet quod ipso nutrirî puerum edentulum providentis naturæ temporaria gratia sit; quæ indulgentia perfectâ dentitione exolefcit, secùs versâ in injuriam Ascaridibus ansam præbet dum per moras dulcedinis illicio nocente & *ἰκμαλὲς* beneficio cadit, cōctioni per quam infesto acorè abdica- tur naturalis officinæ vestibulo, regeriturque caseosum non nisi gra- viore damno retinendum; coit ubi duritiâ Pumicis in modum, vexat intestina torminibus, præfocat hypochondria, utilem prohibet anno- nam comœatu, arctat clauditque animæ vias; si crudum purum pu- tumque obtuleris, eò uberiore crassioris recrementi exagoga futura, quò cōctius: adeò brevi momento sua bona exiit aut perdit liquor iste, domestica vitia explicat, induit, retinetque pertinaciùs aliena: etiam de fonte haustus lactentium ora exulcerat, fœdat aphtis, ulcus- culis serpentibus manantibus genas arat, æruginosâ splendidæque bi- lis proventu plurimo mordet impedita viscera, ad omnem expeditior injuriam contrariis quibus coit substantiis, sero, caseo, butyro; neque uno corruptionis genere, acore, nidore inimicatur, præsentè obstruc- tionis noxâ febrientibus, catarrho, sputo sanguinis, cancrōsis, cepha- lalgicis, calculosis affectibus interdicens: mitioris lac mixtum in- dolis neque tamen nocendi suspicione vacat, quâ laborat naturæ suæ sorte, nec dum melle, saccharo, sale, menthâ, vino, aromatis con- ditum emendatumque, cacochymis, *μεγαλοσπλῆδ' ὄνους*, hepaticis, ver- tiginosis, comitialibus, impuræ veneris reis *πᾶν ἀ' ὄνους*: neque de lactis delectu nimitum sis sollicitior, communis undecunque perniciēs, at seriùs ocyùs huic istive minor, indulgentior, obscurior valenti- bus, usurâ graviore præsentiore cæteris, summâ in solidum conva- lescentibus.

V.

UT pote quibus nec dum ex integro flamma deferbuit, sed pos- thuma vivit adhuc favilla sæpè relicta in rogo, dum supersti- tis hujus in putri humore fermenti neglectis ignariis alitur clancu- lum & fovetur: neque tum in vado res ægri pace sequestrâ satis vi-

dentur compositæ, cui aliàs morbi vi, naturæ nixu improbo, artis præsidii sic exarmato, ægræ, pendentisque valetudinis vel ipsa imbecillitas jurè faciat controversiam, morbiq; jamjam redituri haud inanem metum augeat pertinaci fastidio *καὶ ἀναλγίαν* gravis usus. Quid illi tandem fiet, si avido & exhausto illius alimenti indulgentior feceris copiam, quod pingui oleosâque sui portione adeò proclive est ut de facili ignescat æstuantibus visceribus, sicque febriculoso ardore pristinum suscitaturum incendium: aut secùs vitæ focum pertinaci partis caseosæ lentore inimicissimo restinguat minuatve, vel seroso humore sui impotens exundet: hinc adversa omnia meritò experiaris aut metuas injecto lacte, studio remeandi permolestum ventriculo infesto ructu acido, insolito vel nidorulento os spureatur, continui corruptæ, vel interceptæ annonæ labores, venturaque longo ordine pejùs saburrati ventris mala, diarrhæa præsertim quâ vitæ genius defraudatur, quod uti ne fieret aut in noxam cresceret satius fuerat providisse. Cave sis igitur ne præcipiti nimium *ἀναλγίαν* studio pauperem in Convalescentibus vitæ foculum alimenti pinguioris, crassioris strue adobruas, modico, verùm assiduo & accurato pabulo factâ sensim utilis substantiæ accessione suscitandum: haud aliâ equidem arte excitaturus es luculentiorē, quàm si boni succi *ἐπιχρόσθη*, non idcirco pluris excrementi insimulanda, quæ nunquam concrecant, perfacile mutantur, subeant faciliùs, difficillimè corrumpantur, nihil gravent, Convalescentibus accepta sint, non ea, quæ recentem accersunt aut revocant novâ corruptelæ accessione (in quam maximè prona cujuscunque lactis substantia) occasionem recidivæ, quam ut avertas morbi *ἀντιόχου*, ipsorum naturæ ad obvia quæque cæspitantis impotentia satis admonet.

Non ergò Lac Convalescentibus.

Proponebat Parisiis HYACINTUS THEODORUS BARON,
Parisiinus, Baccalaureus Medicus. A. R. S. H. 1710.

Typis Viduæ Francisci Muguet, Regis & Facult. Medicinæ Typographi.